

中國方志叢書·華中地方·第九四六號

據

清·童範儼等修，陳慶齡等纂
清同治九年刊本

影印

江西省

臨川縣志

卷之四

成文出版社有限公司印行

本書承

日本國會圖書館以所藏稿本借攝

謹誌並致謝忱

臨川縣志卷四十二上

人物志理學目錄

宋過源張孝直游元章節夫

明饒烈許伯高附陳九川章袞

國川集卷之五 人事

臨川縣志

人物志

理學

粵稽宋史推尊道學孟韓而後關中濂洛命世大儒
斯民先覺朱陸並時互相商榷先輩章陳青田是託
殊塗同歸仰瞻喬嶽

(宋)

過源字道源少穎異問父曰聖賢何學曰心學曰何古多
而今少曰非有古今在人爲之耳於是篤志聖賢之學
嘗曰人終身只是一箇理窮理原不分知行行之至知
之極也情發乎性由於性則明明則聖任乎情則蔽蔽

則愚又言論語諸賢宜別類爲一書以無混聖言又謂黃鍾極清一陽之始當以長孫無忌三寸九分爲據語皆獨悟學者稱爲浩齋先生著語錄二卷謝無逸敘之從孫勛字紹古另有傳詳孝友源祀鄉賢祠

張孝直字英甫性孝友恬於利欲受學陸象山先生之門講學窮理所見者確所據者實如易書詩語孟中庸有口義五十餘篇名其書曰尊經心所未安雖伊洛諸儒議論亦不苟同領袖郡學誘掖後進士論翕然歸重與章從軒蔡介軒講論終日忘倦莫不欽歎研窮考索多所發明卒年七十七所著又有要言渾象原意雜詩等藏於家

游元字潛夫直秘閣經之曾孫爲人外和易中實介特讀書必玩味欲知古人用心處尤深於易一日讀坎卦有契幾忘寢食服膺象山之學論議平實爲文健贍舉進士晚以恩授安化簿就攝邑事以理義訓導邑士議減泉司錢課以利民邑鄰溪峒凡訟關風化必懇惻開諭皆愧服再調贛縣丞會長子鑾主南嶽祠往就養卒於醴陵年六十七有安化講議詩文號新堂集進士東昇其裔也

章節夫字仲制少穎悟從象山先生默契繩尺象山語之曰硬豎脊梁要做到了節夫佩服師訓博通諸經深造自得嘗取象山晦翁辭異旨同處集而疏之名曰修和

管見晚年所守益固從學者衆卒年七十九自號從軒
著書數萬言子子先登嘉定九年第仕止吉水令

明

饒烈字丕承神童鑒七世孫世業春秋後與姪嶽同受業
吳康齋與弼之門潛心經學理欲之辨甚嚴嘗揭聖賢
法言於軒楹間以自警策康齋爲題其讀書之處曰麟
經軒爲之記晚遷居父墓之側時與門人子弟徜徉原
野間緩步行歌翛然自得有巢雲稿存於家又許伯高
亦臨川人同爲康齋弟子

陳九川字惟濬號明水母夢吞星而娠弱冠登正德九年
進士觀政畢卽請告往見王文成公問學至忘寢食一

曰躍然有得曰良知之學非空言也六經註腳豈欺我
盡取所著春秋本旨周易正義詩說禮解等書焚之請
部授太常博士武宗將南巡朝廷洶洶不知計九川奮
與修撰舒芬員外夏良勝主事萬潮力諫下錦衣獄考
訊跪午門外五晝夜幾死廷杖削爲民時有江西四君
子之稱九川去與歐陽德鼐豹鄒守益魏良政同事王
陽明守仁於虔所造益深世宗卽位起原官進禮部儀
制司郎中以主客裁革妄費羣小恨之時上新任張璁
桂萼與費宏有隙因誣九川以貢玉饋宏使通事胡士
紳訟之世宗怒詔謫鎮海衛九川怡然就道如平時曰
吾師貶龍場而氣愈定天其玉我於成乎已遇恩詔得

復官致仕於是陽明歿矣亟之浙經理其家歸連遭父母兄弟喪孝友哀毀無遺憾築室明水山中四方來學者後先數百人委曲造就其衆請會講擬觀臺羅洪先唐順之王畿錢德洪諸人書札論辯往來不絕其於良知之學不以老壯窮通易其守遭險而不失負謗而不回商確闡明展轉訂正之功獨多日本集外晚年所著有續傳習錄皆行於世九川資稟明決篤倫嚴禮尤謹喪祭所正宗法廟制埜域悉倣於古居鄉時還學宮於城內廢寶應寺九川之力爲多軍削府志皆直任無疑卒年六十九卒之夕有星墜舍傍久而後進益仰慕之羅文恭公黜銘其墓子本嘉靖壬子領鄉試九川

祀鄉賢五賢崇儒報功諸祠

章袞字汝開號介菴幼孤苦爲學不休既冠博覽羣籍嘉靖壬午以詩魁鄉薦明年登進士選授御史督學南畿狷介端嚴請屬不行士習蹶興務講求經濟實學痛黜詞章之習嘗戒所拔高才生何良俊曰聞生喜讀文選及藝文類聚諸書果爾吾無望於生矣此等書雖精熟何益身心何所用於天下國家乎頃之以幼左道亂政譏刺時宰左遷建甯推官歷松江同知相從講學者益衆稍遷陝西副使仍督學政一旦乞休不俟報而行所著章子瑣言學庸口義及詩文凡若干卷旣卒子孫貧不能存書多散佚祀鄉賢祠

以上皆舊志

臨川縣志卷四十二下

人物志儒林目錄

宋饒子儀

汪革

弟莘姪大經附

王安仁

林夢英

張次房

晁百談

李纓

劉堯夫

鄧約禮

陳南仲

嚴滋

嚴松

鄒斌

吳元子

朱元弟

瑜宋復附

趙端頤

黃義勇

弟義剛義明附

徐子石

元弟

德附

孟渙

饒延年

李肅

俞庭椿

張宏

元袁明善

父公壽附

黎仲基

戈直

李本

叔季

淵附

明饒瑄

陸來宣

李東明

劉毓祥

傅位

子櫟

附

陳文焯

李東成

揭應瑞

徐鳴奇

杜應奎

附饒棟

李學良

李

槃

章世純

湯顯祖

附諸子

陳際泰

羅萬藻

以上三人今移入

舊志列文苑

國朝

何輝

王覺圖

紀大奎

今增

臨川縣志

人物志

儒林

通天地人乃謂之儒彬彬君子實與名符饒普穀價
孟免茶租堂開玉茗集號已吾一亭環翠師事草廬
古心古貌與古爲徒

(宋)

饒子儀字元禮從胡瑗孫復受經楊傑授以星厯諸書莫
不洞究親沒不事科舉結菴凌雲山名曰葆光杜門著
書與潘延之曾子固汪信民謝無逸友善臨江守王說
欲迎致軍學郡守劉公臣曰吾州有士如此令他之可

乎乃迎還躬率諸生聽講說崇甯初詔舉懷材抱藝養素邱園之士郡以子儀應詔命下授承務郎卒年八十一所著編年史要陳瓘爲之序又有周易論語解及詩文集藏於家

汪革字信民紹聖四年試禮部第一登甲科分教長沙帥張芸叟從而受學丁外艱同僚賁金爲賻辭不受令家人毋持官中一物見其妻所置錫水壺愀然曰以是汙我投之江中及爲宿州教授滎陽呂希哲見之以比黃憲茅容與其孫本中琢磨尤莫逆蔡京當國欲得知名士附已以周王宮教召不就曰吾異時不欲附名姦臣傳復爲楚州教官卒年四十革生平深厚不伐閭閻中

似不能言朋親友之急解衣推食無難色嘗謂人能咬
得菜根則百事可做胡康侯聞之擊節嘆賞其爲學欲
明善惡別是非張耒陳瓘游酢皆賢之所著有青溪類
稿論語直解若干卷菜根談一卷清熙丙午太守張煜
繪像祠於學宮弟萃字叔野篤學有守喜爲歌詩東萊
諸呂豫章諸洪範稱之與二謝尤親厚登建炎二年丙
科歷洪州司理轉分宜丞舉清白第一卒年七十三所
著曰歸愚齋集姪大經字浩夫博學多聞嘗裒溪堂師
友尺牘及著臨川耆舊傳革祀鄉賢祠

王安仁字常甫安石兄也七歲好學毅然不苟戲笑讀書
二十年慶厯中詔州縣皆置學安仁學行卓然江淮間